

Հոկտեմբեր.

Ի հոկտեմբեր ամսոյ, արժան է զերկրորդ այգեկիթնն՝ ի յայս ամիսս արաւ ցես . ուստի և իմաստիք զմեր այգեկիթոց խալատն¹, որ սահմանէ որ յայս երկը ամիսս, յամեն ամիս հետ մի կըլթեն . յօգոստոս զկաւնիւնէ հասածն . և ի խաչին ամիսն զայլ ի հետն, և ի սուրբ Գորգին ամիսն զճուռն . և այս պատճառաւորս մեծ զէն կու լինի, զորս արժան է ուղղել թէ հնար ինչ իցէ : Բայց առաջին կիթն անուշ և կակուղ լինի, և ճուին՝ պինտ և օգտակար ստամոքսին յոյժ :

Եւ են ոմանք որ զնոր տնկերն յայս ամսոյս ԺԵ աւուրն ի վեր սկսանին տընկել մինչև ի դեկտեմբերի քսան օրն, որ բազմաստղն² ընկնի . և ամենեքին յայս հաւանեցան՝ որ տնկուի նոր տնկերն . վասն այսորիկ արձակեն ըզմազմուկքն և զտակուիճքն մինչև ի յանձրեաց ի գալն, և տեղի առնուն որ երբ գարունն գայ՝ զտերկքն արձակեն և արմատ առնուն : Եւ տնկոցն շուրջանակի փորել է պարտ, և մարդոյ հին աղբ և հին գոզ, և չոր զինէմուր է պարտ ածել, և յերդ³ և փործով լաւ է որ զերդ կիթեն՝ մինակ յօտեն զայդին, և հետ յօտելոյն վաստկէ որ զկոխած գետինն կակղացնէ, որ յառաջի անձրեն աղէկ մտանէ, և զամուսն ծարաւն հանէ ի սրտէն, և զգարնանային խոտըն պակասեցուցանէ : Եւ այս հոկտեմբեր պարտ է զայս հաւանեալ ծառքս տընկել . ձիթենի, եղջիւրենի, սոնոպրի, բակի, և այլ ամենայն ծառ անսերմն զինչ որ լինի՝ զայս ամիսս անպատճառ ի հողն դիր, նա աղէկ բուսնի և անարդալ : Եւ յայս ամիսս է պարտ վաղէկ ազգ ձէթն ի պտղոյն հանել, և ընտրէ զայն պտուղն որ խաթ գունով լինի և չլինի ի մէկ տեղ սևացեալ . զայնոր ձէթն հան ուտելոյ, զի այն է լուսն և

զովելին : Եւ յայս ամիսս է պարտ ըզթուրընճիքն և նումայիքն⁴ և լիմոյիքն ծածկել . և ջրառփնին² զորդել որ ջուր չնստի ի վերայ կամ եղեմն և չորացընէ : Այլ զլիմոնի ծառոց ճուղքն փաթտէ և զտերկքն ի վերայ զորդէ՝ որ ծածկէ զճառն, զի անահ լիցի ի պարզկային³ ցրտոյն : Այլ և առ զթթմնոցին ցօղունն և այրէ, և առ լից ծառի տակներն, որ այլ բնաւ չվախէ ի պարզկայէն . ապա տես աղէկ որ շատ չնուա, թէ ոչ չորցնէ՝ վասն իր առաւել տաքութեանն . ապա լից և փործէ, ազնիւ է և լաւ . ամենայն հով իրաց միւսի առաւել տաք է փործով : Նոյնպէս և զմրգանքն որ այլ յետոյ գրեցաք⁴ այս ամիսս է պարտ դնել ի սնտուկն և պահել ձմեռան համար, որպէս գրեցաք :

Նոյնպէս և զհիլիոննոցեր սրբել և ստածել . և շատք այն են որ զիւրեանց հերկերն շինել և պարել կու լինին, և ի հոկտեմբեր ցանեն . որ թէ լինի որ հետ ԺԴ աւուրն անձրե գայ մէկ հետ լաւ է, բայց թէ չգայ՝ չքննէ . վասն այնոր երբ գայ լաւ է և աղէկ : Բայց յառաջ քան զհոկտեմբերի մուտն չէ արժան իրք ինչ ի հունդերաց ցանել, զի պիղծ է . և տես աղէկ որ երբ աստղն որ անուանեալ կոչի Փքէ՝ որ է ընկնի, ապա ցանես, նա խիստ ազնիւ լինի և լաւ :

Ի ՎԱՍՏԱԿՈՑ ԳՐՈՑ

Ա Ղ Ա Ի Ն Ի

ԺԹ

Վիրաբոյժը քիչ մը ուշ հասաւ . որովհետեւ ճամբան դիպուած մը անցեր էր գլխէն : Ճիօգանդոյ Գասդրիգոնի հանդիպելով իրեն, բռնադատեր էր երթալու հոգալու վիրաւորեալ մը . ուստի տարեր էր Օրսոյի քով և վէրքը պա-

1 Խառնակուիթն, սիալ :

2 Համաստեղք տայլին :

3 Զարդ :

1 Նարնջենի կամ կիտրոնի :

2 Առուք ջրոց :

3 Այալ :

4 Ի սեպտեմբերի ամիս . տես երես 276 :